



Assemblaïe és Ministes autouor les Langues dé par Ichin, Ptites et Mouoïns Faetes Servi

Lé 20 du meis d'october 2023, Jerri

C'meunitchi

Lé Caonsaeil Britannique-Irlândais (CIB) a tint éne assemblaïe autouor les Langues dé par ichin, Ptites et Mouoïns Faetes Servi (IPM) ogniét arrangie par lé Gouvernement d'Jerri. D'avânt l'Assemblaïe és Ministes, ch'est qu'les Ministes et l's officiers prinrent part au '*Jersey Language Policy for Education Impact Event*'. Éne liste dé tous les participànts Ministériaels y est attachie.

Distchutte autouor l'Meutin à la Travaill'rie

Les Ministes aont distchutaï l'Rapport à Policie dé 2023 d'la travaill'rie autouor les Langues dé par ichin, Ptites et Mouoïns Faetes Servi qui détaille lé travas enterpris par l's officiers ches droines aunaïes. Les Ministes aont r'merciaï l's officiers pour aver fait ches papiers, et il 'taient d'l'idée qué ches-chin mourtaient d'tché qui vaout pour toutes l's Administrâtiions Membes qui prennent part à la travaill'rie. En distchutte, les Ministes aont souligné l'importance dé fourni d's enviraonements favorablles pour pratitchier les langues IPM et il aont caonsidéraï éne quântitaïe d'neuves enterprisées à propaos en allànt à travaers l's Administrâtiions Membes du CIB. Les Ministes aont étout caonsidéraï les melles enter la policie autouor les Prumières Aunaïes et l'appren'rie d'langues IPM, en soulignànt éne affaire d'parchoun'rie tinse en 2021.

Pllàn à Travas au Temps-à-vni

Les Ministes aont étout distchutaï lé Pllàn à Travas en Vaeue proposaï pour la travaill'rie autouor les Langues dé par ichin, Ptites et Mouoïns Faetes Servi. En accordànt qué ch'est aen secteur au tchi qu'l's Administrâtiions Membes devraient caontinuaï à s'enter travaillier par lé CIB, les Ministes sé saont mis d'la maême idée suivant tchi qu'lé Pllàn à Travas en Vaeue d'la travaill'rie autouor les Langues IPMs pour la duraïe 2023-25 devrait s'intéressier és treis tapis:

- L'Userie Sociâle des Langues dé par ichin, Ptites et Mouoïns Faetes Servi;
- L'Infrastructure Lindgistique; et
- La Tchulture.

Les Ministes aont prins note qué l'Gouvernément d'Guernesî arrangerà la perchoïne Assemblaïe és Ministes autouor les Langues dé par ichin, Ptites et Mouoïns Faetes Servi.

Segretariat CIB

Lé 20 du meis d'october 2023

Liste és Délédgis Ministériaels

Gouvernement d'Irlande	Patrick O'Donovan TD, Minister of State for the Gaeltacht
Gouvernement d'Île dé Man	Claire Christian MHK, Political Member for Education, Sport and Culture
Gouvernement d'Jerri	Kirsten Morel, Deputy Chief Minister and Minister for Economic Development, Tourism, Sport and Culture
Gouvernement Écossais	Jenny Gilruth MSP, Cabinet Secretary for Education and Skills
Gouvernement du Rouoyaoume-Euni	Jacob Young MP, Parliamentary Under Secretary of State (Levelling Up)
Gouvernement Gallais	Jeremy Miles MS, Minister for Education and Welsh Language